


Rumannan Kalpoe den libertad inmediato

# Huez comisario no ta convenci cu evidencianan di Ministerio Publico



For di dia cu nos a combersa cu fiscal Mayor Karen Jansen tabata sinti cu e sospechosonan aki por sali liber un ora pa otro of dia cu nan bin dilanti di huez nan no tin mucho cos contra nan. Hopi indicacon tin contra e hobennan deteni ultimo den e desaparicion di Natalee, pero ningun prueba.

Ayera den oranan di mainta algo pasa di 9'or e sospechosonan van der Sloot y e dos rumannan Kalpoe a presenta dilanti di huez comisario unda a cuminsa cu interrogacion.

Aki tabata e mesun huez comisario cu siman pasa tambe a interroga e hobennan y pidi ocho dia mas pa nan mientras cu el a laga Paul van der Sloot den libertad.

Awe contrario na

diadomingo siman pasa, e interrogacion di e tres hobennan a dura hopi menos. Despues cu ya caba a caba di atende cu e sospechosonan e abogadoonan a sali duna prensa un declaracion.

E momento ey, ainda no tabata tin un decision di huez comisario. Finalmente despues di warda varios ora e grifier di corte Sra Wernet a sali duna un statement riba e decision di huez comisario relaciona cu e prolongacion di e sospechosonan deteni.

A sali na cla cu huez comisario no ta convenci cu loke Ministerio Publico tin contra e rumannan Kalpoe y pesey mes a pidi pa laga nan liber mesora.

Esey a sosode tambe caminda cu algo pasa di 4'or di atardi abogado mr Rudy Oomen representando un di e rumannan Kalpoe a yega na KIA y despues di un rato a sali cu tur dos ruman Kalpoe

for di KIA.

Di eynan a sali bay cu nan na cas di nan mayornan cu ta unda nan ta biba tambe. For di salida for di KIA caba tabata tin basta prensa ta warda mientras cu na cas tabata un caos total cu prensa Mericano y local. Hasta riba e porta di e cas tabata tin papel pega unda famia ta pidi pa laganan tranquil.

Na yegada na cas e dos rumannan a ser ricibi pa nan mama cu a bay paden hunto cu nan abogado y sera e porta pa asina no ser stroba. Despues e abogado a sali duna un declaracion riba e ultimo desaroyo relaciona cu e caso y libertad di su cliente.

Pa loke ta Joran van der Sloot si su detencion a ser prolonga cu 60 dia, indicando cu e lo por keda te dia cu e caso ser presenta dilanti di huez si e no ser laga den libertad prome.

ORANJESTAD (AAN): Ayera hopi a keda sorpresa cu e decision cu huez comisario a tuma relaciona cu e caso di Natalee Holloway. Un caso

caminda cu ultimamente tabata tin un total di tres sospechoso, awor ta keda solamente uno deteni na e prison KIA.

## Nel Oduber su fuse a hera bula ora cu el a tende

Famia Holloway kier impone riba nos mandatarionan

ORANJESTAD (AAN): Awor si ta di mas. Di mas pasobra ta imposible cu un grupo cu ta bin for di Merca busca nada pasobra no tin nada aki na Aruba por existi tanto di nos pais.

Ya caba algun dia atras nan a haya un reconocimiento for di gobierno di Aruba despues di apenas algun dia na Aruba. Despues e mesun grupo aki cu ta trata di Texas Equu Search a haya un suma di 20 mil dollar for di asocacion di banconan mirando cu nan ta un non profit organizacion.

Aunke nan ta bisa di no ta tuma placa, nan a habri man hanchu y tuma e 20 mil dollar aki. Un situacion cu a lanta basta stof pasobra cu aki na Aruba tin gruponan cu a cuminsa for di dia cu Natalee

ta perdi, buscando tanto den lama como riba tera y te ainda no a haya ni un gradicimento for di nos mandatarionan corda placa.

Si esey no ta basta, ayera den e reunion di e comision cu ta atende y contradeci noticianan negativo di Aruba, a bin dilanti cu famia Holloway lo a pone presion riba e embahada Mericano pa asina pone presion riba Hulanda cu na su turno mester pone presion riba gobierno di Aruba pa asina nan haya 200 Mil dollar cu segun nan ta pa Texas Equu Search.

Ora cu Prome Minister a tende esaki su fuse a hera bula y a manda e mensahe mesora cu ta riba su dead body Aruba lo duna e placa ey pasobra ya

caba ta pagando tur gasto pa famia relaciona cu e desaparicion di Natalee.

E famia ta haya cu nan a core hopi gasto cu e presencia di Texas Equu Search, pero nos pensamiento ta cu nan no tin nada di haci aki mirando cu si berdad tin un body riba nos isla, un di nos habitantenan mester a topa cune basta dia caba.

E desaparicion di Natalee a bira manera un vakantie pa hopi na Merca cu ta yega Aruba pa di un of otro forma yuda cu e buskeda y ta keda riba custia di AHATA of di otro instancia na Aruba.

Unda Aruba ta bay saca 200 Mil dollar awor aki pa e caso aki. Ya caba Prome Minister a manda e mensahe cu no tin placa.